

Վ. Բ. ԲԱՐԵՈՒԴԱՐՅԱՆ, ՆՈՐ ՆԱԽԻՋԵՎԱՆԻ ՀԱՅԿԱԿԱՆ ԿԱՂՈՒԹԻ ՊԱՏՄՈՒԹՅՈՒՆ

ՀՍՍՀ ԳԱ Հրատարակչություն, Երևան, 1967, 498 էջ

Հայ ժողովրդի պատմական զարգացումը՝ սկսած հնագույն ժամանակներից մինչև XX դարը, ընթացել է արտակարգ ծանր և բարդ պայմաններում: Օտար զավթիչների միմյանց հաջորդած արշավանքները վիթխարի նյութական կորուստ պատճառեցին երկրին, մեծ հարված հասցրին նրա արտադրողական ուժերին, խոչընդոտեցին հայ ժողովրդի տնտեսական, քաղաքական և մշակութային զարգացումը: Պատմության ընթացքում այսպիսի ծանր ժամանակներ առավել կամ նվազ չափով ապրել են աշխարհի գրեթե բոլոր ժողովուրդները: Բայց նրանց ճակատագիրը հայերի պես ողբերգական չի եղել: Ազգային պետականության կորուստը, այն էլ շատ վաղ անցյալում, ծանր հետևանքներ ունեցավ սակավաթիվ հայ ժողովրդի համար: Ազգային պետականությունը իր սոցիալ-քաղաքական տարրեր հատկանիշներով հանդերձ ունեցել է մի չափազանց կարևոր պատմական դեր: Այն ապահովել է տվյալ երկրի տերիտորիալ մարդչականությունը, ապահովել է ժողովրդի հավաքական գոյությունը միասնական տերիտորիայում: Սա ամեն մի ժողովրդի նորմալ զարգացման ամենատարրական պայմանն է, որից, մասնավոր բացառությամբ, զուրկ է եղել հայ ժողովուրդը: Պետականության բացակայության և ժողովրդի կյանքի անապահով պայմանների հետևանքով ծայր է տեղի դանդաժային արտագնացությունը, որը դարձել է հայ ժողովրդի պատմության մշտական ուղեկիցը:

Հեռանալով հայրենի երկրից, հայ դադթականները օտար միջավայրում պահպանեցին ազգային սովորությունները, մշակույթը, լեզուն: Նրանք մշտական կապեր էին պահպանում հայրենիքի հետ, որը նրանց նոր ուժ էր հաղորդում ազգային գոյությունը պահպանելու համար:

Գաղթօջախների առաջացմամբ հայերի պատմությունը դադարեց միայն Հայաստանի պատմություն լինելուց, այն դարձավ համայն հայ ժողովրդի պատմություն՝ իր մեջ ընդգրկելով նաև գաղութահայության պատմությունը, որովհետև գաղութահայությունը, անկախ այն բանից, թե ինչպիսի տիրապետող սոցիալական-քաղաքական ու ազգային միջավայրում է ապրել, էթնիկական տեսակետից, իր ազգային նկարագրով, մտածելակերպով, հոգեբանությամբ, մշակույթով և մյուս բոլոր հատկանիշներով միշտ էլ եղել է և մնում է հայ ժողովրդի բաղկացուցիչ մասը: Ինչպես չի կարող լինել գաղութահայության պատմություն առանց մայր հայրենիքի՝ Հայաստանի պատմության, այնպես էլ լիակատար չի կարող լինել Հայաստանի պատմությունը առանց գաղութահայության պատմության:

Սա հայտնագործություն չէ, այլ մի չափազանց պարզ ճշմարտություն, որի իմաստը նախ և առաջ կայանում է նրանում, որ որևէ ժողովրդի պատմությունն ուսումնասիրելիս անհրաժեշտ է հաշվի առնել նրա պատմական զարգացման ինչպես ընդհանուր օրինաչափությունները, այնպես էլ օրինաչափության ուժ ստացած պատմական առանձնահատկությունները:

Ցավոք, երբեմն այնպես է լինում, որ նույնիսկ ճշմարտությունները հասկանալու և գնահատելու համար տասնամյակներ են պահանջվում: Այդպես պատահեց նաև գաղութահայության պատմության հետ, որի գիտական ուսումնասիրությանը ձեռնամուխ լինելու անհրաժեշտությունը մեզ մոտ զգացվեց մեծ հապաղումով:

Բարեբախտաբար, այդ շրջանը արդեն վաղուց անցել է, և վերջին մեկուկես տասնամյակի ընթացքում Հայաստանի, Սովետական Միության և արտասահմանյան շատ հայագիտական կենտրոններ ու առանձին հետազոտողներ բավական մեծ գիտական գործունեություն են ծավալել գաղութահայության պատմության ուսումնասիրության ուղղությամբ: Այս ասպարեզում կատարված աշխատանքի ծավալն այժմ այնպիսին է, որ արդեն իսկ այսօր հնարավորություն է ընձեռում պատմագիտական բնույթի որոշակի դատողություններ անել եղած դրականության գիտական մակարդակի, ընդգրկած պրոբլեմների և այլ հարցերի մասին, որ մեծ

բարեխղճությամբ վերջերս կատարել են պատմական գիտությունների թեկնածուներ Վ. Կ. Ոսկանյանը և Վ. Բ. Բարխուդարյանը¹։

Չափազանց գնահատելի է այն, որ այսօր Սիմեոն Լեհացու, Ա. Դավրիժեցու, Ղ. Ալիշանի, Ա. Ալպոյաջյանի պատմական երկերը միակը չեն, որոնց միջոցով ներկայումս հնարավոր է գաղափար կազմել դադութահայության և Սփյուռքի պատմության մասին։ Հանդես են եկել նոր հեղինակներ, որոնք մարքսիստական մեթոդոլոգիայի հիման վրա ստեղծել են բարձրարժեք գիտական հետազոտություններ քննարկվող հարցի վերաբերյալ։

Կադութահայության պատմության ուսումնասիրությունը ներկայումս թևակոխել է մի նոր շրջան. այժմ այն դարձել է համաժողովրդական ուշադրության առարկա, և այդ պատճառով էլ պատահական չէ, որ հետազոտություններն այժմ տարվում են հարցերի ավելի լայն և խորը ընդգրկմամբ և, որն ամենակարևորն է, պլանաչափ հետևողականությամբ։

Դրա վառ վկայությունն է պատմական գիտությունների թեկնածու Վ. Բ. Բարխուդարյանի՝ վերջերս լույս տեսած «Նոր Նախիջևանի հայկական դադութի պատմություն» ստվարածավալ աշխատությունը, որի վերլուծության մի փորձ կատարելը ներկա գրախոսության հիմնական նպատակն է։

Աշխատությունը բաղկացած է ներածությունից և ութ գլուխներից, որոնց հետևում են հեղինակի ընդհանուր եզրակացությունները. ապա կցված են մի շարք պատմական փաստաթղթեր, ինչպես նաև օգտագործված աղբյուրների ու գրականության, անձնանունների և տեղանունների ցանկեր։

Ներածությունը նվիրված է լուսաբանվող թեմայի նշանակությանը և պատմագրությանը։ Նոր Նախիջևանի հայկական դադութի պատմությանը ուղղակիորեն թե անուղղակիորեն առնչվող, տպագիր թե անտպագիր նյութերի՝ արխիվային բազմաթիվ փաստաթղթերի ու գրականության մանրակրկիտ թվարկումը, որյեկտիվ վերլուծությունն ու արժեքավորումը ոչ միայն վկայում են քննարկվող առարկայի մասին հեղինակի ունեցած լայն պատկերացումների և հիմնավոր գիտելիքների մասին, այլև ցույց են տալիս նրա խորին հարգանքը իր նախորդ հեղինակների նկատմամբ։

Հայկ. ՍՍՀ պետական պատմական արխիվում, Մատենադարանում, Ռոստովի, Մոսկվայի, Լենինգրադի տարբեր արխիվներում կատարած բազմամյա հետազոտությունների շնորհիվ հեղինակին հաջողվել է հայտնաբերել բազմաթիվ նոր, արժեքավոր նյութեր, որոնք հրապարակում եղած ոչ-այնքան հարուստ նյութերի հետ միասին Վ. Բարխուդարյանին հնարավորություն են տվել գրելու ուսահայ խոշորագույն դադութի՝ Նոր Նախիջևանի գիտական պատմությունը՝ սկսած նրա հիմնադրումից (1779 թ.) մինչև XIX դարի 60-ական թվականների սկիզբը։

Ի նկատի ունենալով նոր Նախիջևանի խաղացած հույժ կարևոր դերը ինչպես հարավային Ռուսաստանի տնտեսական և մշակութային կյանքում, այնպես էլ զուտ հայկական իրականության մեջ, նրա գիտական պատմության շարադրումը վաղուց ի վեր դարձել էր օրակարգի հարց։ Այդ անհրաժեշտությունը առավել ևս ընդգծվում էր նրանով, որ հրապարակի վրա չկային լուսաբանվող հարցի մասին քիչ թե շատ ամբողջական պատկերացում տվող այլ աշխատություններ, եթե հաշվի չառնենք Ե. Շահգիրիի երկու հատնի գրքերը, որոնք, սակայն, դրված են միանգամայն այլ տեսանկյունից և այլ նպատակով։

Աշխատության բովանդակությունը, որ, ինչպես ասացի, շարադրված է ութ գլուխներում, բազմակողմանի պատկերացում է տալիս դադութի հիմնադրման, նրա ներքին կյանքի, բնակչության հիմնական դրամունքների, սոցիալական և հասարակական-քաղաքական պայքարի, հայոսական հարաբերություններում նոր Նախիջևանի ունեցած պատմական նշանակության, գաղթօջախի ազդային մշակույթի և բազմաթիվ այլ հարակից հարցերի մասին։

Հենվելով պատմական փաստերի վրա, առաջին գլխում հեղինակը ցույց է տալիս դադութի հիմնադրման շարժառիթները, որոնք բխում էին Ղրիմի և Ռուսաստանի հարավի նկատմամբ ցարիզմի վարած չափազանց հաշվենկատ քաղաքականությունից։ Ցարական կառավարությունը վաղուց ի վեր Ղրիմը Ռուսաստանին միացնելու պլաններ էր մշակում։ Այդ նպատակին հասնելու համար կառավարությունը մտադիր էր բազմաթիվ խոստումների ղեկով Ղրիմի բրիստոնյա (հայ և հույն) բնակչությանը վերաբնակեցնել Նովորոսիայի անմարդաբնակ տափաստաններում։ Հստակառավարության հաշիվների, այդ միջոցառումը պետք է լուծեր երկու հարց. նախ՝ բրիստոնյա

¹ Վ. Կ. Ոսկանյան, Վ. Բ. Բարխուդարյան, Հայ գաղթավայրերը սովետահայ պատմության մեջ, «Լրաբեր հասարակական գիտությունների», 1968, № 4։

բնակչության տեղափոխումով ծանր հարված հասցնել Ղրիմի խանության տնտեսությանը և դրանով իսկ հեշտացնել թերակղզու միակցումը Ռուսաստանին և, երկրորդ, արհեստների և առևտրի մեջ հմուտ հայերին և հույներին վերաբնակեցնելով նուկորոսիայում՝ Ռուսաստանի հարավի այդ երկրամասում ունենալ հավատարիմ բնակչություն և նրանց միջոցով շենացնել նուկորոսիայի ամայի տափաստանները: Ցույց տալու համար, թե ինչպիսի կարևորություն էր տալիս նկատելիքինա 2-րդի կառավարությունը զորմահայերի և հույների վերաբնակեցմանը, աշխատության հեղինակը վկայակոչում է ֆելդմարշալ Ռումյանցևի խոսքերը. «Քրիստոնյաների դուրս բերելը նշում է ֆելդմարշալը, — հավասարազոր է մի նշանավոր նահանգի նվաճման» (էջ 39):

Համառ պայքարից հետո Ռուսաստանին հաջողվեց հասնել իր նպատակին, որի հետևանքով 1779 թ. ձմռանը հիմնադրվեց նոր նախիջևանի հայկական դադուիթ իր հինգ ղյուղերով հանդերձ (Զալթր, Թոփտի, Մեծ-Սալա, Սուլթան-Սալա և Նեսվիտա):

Մի շարք փաստերի միջոցով Վ. Բարխուդարյանը այս հարցի առթիվ կարևոր ճշտումներ է կատարում. օրինակ նա գտնում է, որ հայերը Դոնի գետաբերան հասան ոչ թե 1779 թ. դեկտեմբերին, ինչպես նշում է Գ. Պատկանյանը, այլ 1880 թ. հունվարին: Այնուհետև, անդրադառնալով գաղթադնացության կազմակերպման և նոր նախիջևանի հիմնադրման գործում Հովսեփ Արղուիսյանին վերագրվող կարևոր դերին, հեղինակը փաստերով ցույց է տալիս, որ ավելի ճիշտ կլիներ այդպիսի դեր վերագրել ոչ թե Իրան, այլ Հովհաննես Լադարյանին:

Նուկորոսիայում վերաբնակեցնելուց հետո ցարական կառավարությունը հիմնականում կատարեց իր խոստումները և որոշակի արտոնություններ ընձևեց հայ և հույն վերաբնակներին: Նրանց հանձնվեցին զգալի հողային տարածություններ, տասը տարով նրանք ազատվեցին բոլոր տեսակի հարկերից և պետական ծառայություններից, այդ թվում նաև զինվորագրությունից, թույլատրվեց կառուցել եկեղեցիներ և ազատորեն կատարել ազգային ծիսակատարությունները, ինչպես նաև եկեղեցին դնել էջմիածնի կաթողիկոսական Աթոռի գերիշխանության տակ: Արտոնությունների մեջ հատկապես կարևոր նշանակություն ուներ ինքնուրույն մագիստրատի հիմնումը և ազգային իրավունքի համաձայն դատական գործեր վարելը: Բացի այդ, նրանց տրվեց մի շարք տնտեսական առանձնահատկություններ (Ռուսաստանում և նրա սահմաններից դուրս ազատ առևտուր անել, առևտրական նավեր կառուցել, ֆարրիկաներ և մրդատու այգիներ հիմնել և այլն): Այսուհանդերձ, ինչպես ցույց է տալիս աշխատության հեղինակը, պաշտոնական արտոնագրում արտացոլվեցին ցարական կառավարության ոչ բոլոր խոստումները: Որինակ, նախապես որոշվել էր, որ հայերը 30 տարով պետք է ազատվեն պետական պարտավորություններից և հարկերից, այնինչ իրականում նրանք ազատվեցին միայն 10 տարով և, բացի այդ, պարտավոր էին իրենց սահմաններով անցնող դորամասերին ապահովել օթևանով և պարենով, որը նույնպես սկզբում չէր նախատեսված: Կառավարությունը չկատարեց նաև մի այլ խոստում, այն է՝ օգնել առավել ունևոր վերաբնակներին դանադան ձեռնարկություններ հիմնելու:

Անդրադառնալով բնակչության հարցին (երկրորդ գլուխ), հեղինակը չափազանց հետաքրքիր տվյալներ է բերում նոր նախիջևանի և հարևան քաղաքների բնակչության քանակի վերաբերյալ. ըստ այդ տվյալների, 1801 թ. նոր նախիջևանում բնակվում էր 8704 մարդ, այդ նույն ժամանակ Ռոստովի բնակչությունը 4000-ի էլ չէր հասնում, իսկ Մարիուպոլում և Տադանրոգում համապատասխանաբար բնակվում էին 2436 և 5040 մարդ: Հետագայում, երկրամասի բնակչությունն ավելացնելու ուղղությամբ ցարական կառավարության վարած քաղաքականության հետևանքով, նոր նախիջևանի հայկական գաղթօջախի բնակչության աճը թեև օրյակտիվորեն աճում էր, բայց բացարձակ թվերով չափազանց ետ էր մնում հարևան ռուսական քաղաքների բնակչության աճից:

Հետևյալ երեք գլուխներում (երրորդ, չորրորդ և հինգերորդ) Վ. Բարխուդարյանը պատմական հարուստ փաստերի վերլուծությամբ, լուսաբանում է գաղթօջախի բնակչության դրադմունքների հարցը: Այստեղ նա առանձնացնում և քննարկում է դրադմունքի երեք հիմնական ձևեր՝ երկրագործություն և սնանկապահություն, արհեստագործություն և արդյունաբերություն, առևտուր:

Մինչև այս գլուխների կոնկրետ քննարկման անցնելը, հարկ է նշել, որ հեղինակը այստեղ հանդես է բերել տնտեսական բարդ հարցերի վերլուծման և գրանցում ճիշտ կողմնորոշվելու ակնհայտ հմտություն:

Ահա մի քանի բնորոշ օրինակ. Հայ երկրագործների մշակած ցորենի և դարու բերքատվության մասին մոտավոր գաղափար տալու համար նա նախ բերում է երկու տարվա տվյալներ. ըստ այդ տվյալների, 1820 թ. հայ գյուղացիները ցանել են 3975 չևտվերտ ցորեն և 383 չևտ. դարի, 1821 թ. համապատասխանաբար ցանվել է 3903 և 440 չևտ.: Հետո հեղինակը նշում է, որ հետագայում, հատկապես 30—40-ական թվականներին արտաքին շուկայում ցորենի տեսա-

կարար կշիռը բարձրանալու և մեծ չափերով այն այլ երկրներ արտահանելու շնորհիվ մեծանում է հացահատիկի պահանջը, որի նետնանքով նկատելիորեն ընդարձակվում են ցանքատարածությունները։ Այս նեղինակը համեմատական տվյալների միջոցով դնահատում է բերքատվության բարձրացման ասպարեզում այս երկրագործների ձեռք բերած արդյունքները։ 1858 թ. հայ հողագործները (թվով 6366 հոգի) 11 հազար 276 չետ. զարնանացան ցորենից ստացել են 90 հազ. չետ. բերք։ Բերքատվությունը, այսինքն՝ ցանված և ստացած ցորենի հարաբերությունը հասել է ութի։ Այդ նույն ժամանակ հարևան Մարիուպոլի նույն գյուղացիների մոտ այն կազմել է 42/30։ Տաղանթոգի պետական գյուղացիների մոտ՝ 6, կալվածատիրական գյուղացիների մոտ՝ 4։

Զբաղարարվելով այս, արդեն իսկ բավական համոզիչ թվերով, նեղինակը ավելի խորն է դնում. այլ թվական տվյալների միջոցով նա փորձում է պարզել ստացված հացահատիկի՝ բնակչության մեկ շնչին ընկնող բաժինը թվարկված արտադրողների մոտ։ Ստացվում է, որ Տաղանթոգի օկրուգի կալվածատիրական գյուղացիները արտադրել են 2 շետվերտից մի փոքր ավելի, պետական գյուղացիները՝ շուրջ 51/2 չետ., Մարիուպոլի հույները՝ 42/3 չետ., իսկ հայ գյուղացիները մյուս օկրուգների երկրագործների համեմատությամբ արտադրել են 3—4 անգամ ավելի հացահատիկ։

Կամ. մի այլ տեղ նեղինակը աշխատում է պարզել նոր նախիջևանում ձկնորսության ընդհանուր ծավալը և ընդհանրապես ձկնարդյունաբերության պատկերը XIX դարի առաջին կեսին. դրա համար նա կազմում է մի աղյուսակ, որտեղ ըստ մի քանի տարիների տվյալներ է բերում յուրաքանչյուր ձկնատեսակի (թառափ, դուտխի, ստերլյադի, լոբո, կարմրաձուկ, տառեխ, շեխոնի, հարինգ, շիդաձուկ և այլն) որսի մասին։ Բերված աղյուսակը արդեն ինքնըստինքյան լկկայում է ձկնորսության մեծ ծավալը՝ 500 տոննայից ավելի՝ միայն 1810 թվականին, իսկ 1858 թ. միայն թառափի ընտանիքին պատկանող բարձրորակ ձկան որսը հասնում էր 72 տոննայի։ Աղյուսակից միևնույն ժամանակ նա հետևցնում է, որ 1810 թ. 4000 կգ-ի (250 փութ) դիմաց 1858 թ. կարմրաձկան որսը հասել է շուրջ 72 հազ. կգ-ի (4350 փութ), կամ մոտ 50 տարվա ընթացքում ավելացել է տասնյոթ անգամ։

Սակայն հետամուտ լինելով ձկան վաճառքից ստացված գումարի չափերին, նեղինակը նկատում է մի խորթինակ երևույթ. ձկան որսի ավելանալուն համեմատ ոչ միայն չէր աճում նաև նրա վաճառքից ստացված գումարը, այլև բացահայտ կերպով նվազում էր։ Օրինակ. 1816—1858 թթ. այդ գումարը նվազել էր 750 ուրլով։ Խորամուխ լինելով փաստերի մեջ, նեղինակը այս հանելուկը բացատրում է հետևյալ կերպ. հիմնական աճ տվող բարձրորակ ձկնատեսակի վաճառքից ստացվող գումարը պարզապես չի արտահայտվել փաստաթղթերում. այդ պատճառով էլ նեղինակի կազմած աղյուսակում արտացոլվել է մասամբ թարմ, սակայն հիմնականում աղ դրած ձկան վաճառքից ստացվող գումարը միայն։

Նեղինակը նման մանրակրկիտ վերլուծություններ կատարում է տնտեսության և արտագրության դրեթն յուրաքանչյուր ճյուղ քննարկելու ժամանակ։ Եվ ի պատիվ նրա, պետք է ասել, որ այդ մանրամասնությունները ոչ միայն չեն ձգձգել, կամ ծանրաբեռնել աշխատությունը, այլ ընդհակառակը նպաստել են այն բանին, որպեսզի զաղթօջախի տնտեսության պատկերը տրվի առավելագույն լիակատարությամբ։

Ինչպես վերևում ասվեց, այս Էրեբ գլուխներում նեղինակը քննարկում է նորնախիջևանցիների հիմնական դրադմունքները. բնակչության մեծ մասը ներգրավված էր գյուղատնտեսության մեջ, որի առաջատար ճյուղերն էին հացահատիկային կուլտուրաների մշակությունը, այգեգործությունն ու պտղաբուծությունը, անասնապահությունը և ձկան որսը։ Ստացված հացահատիկի անուշան մասը օգտագործվում էր զաղթի բնակչության կարիքները բավարարելու համար, իսկ մեծ մասը արտահանվում էր օտարերկրյա շուկա, ընդ որում, ինչպես րենդոմ է նեղինակը, սեծովյան հավահանգիստներից հացահատիկ արտահանելու ժամանակ նախապատվություն էր տրվում նոր նախիջևանում հայ գյուղացիների արտադրած բարձրորակ հացահատիկին։

Անդրադառնալով այգեգործությանը, Վ. Բարխուդարյանը կանգ է առնում հատկապես խաղողի և թթենու մշակման վրա և այն կարծիքն է հայտնում, որ այգեգործության այս ճյուղերը նովորոսիայում առաջին անգամ տարածեցին նախիջևանցի հայերը։ Այս ճյուղերի գծով նրանք հասել էին չափազանց բարձր արդյունավետության։ Անասնապահության ճյուղերից հայերը նախապատվություն էին տվել հատկապես ոչխարաբուծությանը, որից ստացվող արտադրանքը (կաշին, բուրդը, ճարպը) նշանակալից եկամուտներ էր բերում բնակչությանը։

Գաղթօջախի տնտեսության մեջ պատկանելի տեղ էին զբաղում արհեստները և առևտուրը։

Դեռևս 1793 թ. նոր նախիջևանում բնակվող 7567 մարդուց 2451-ը, կամ բնակչության 23 տոկոսը զբաղվում էր արհեստագործությամբ։ Սակայն նետագայում, արդյունաբերության աս-

տիճանական զարգացման և այլ վայրերից արդյունաբերական արտադրանքի ներմուծման հետևանքով, զնայով նվազում է արհեստագործության տեսակարար կշիռը: Հիմնվելով արխիվային նյութերի վրա, աշխատության հեղինակը նշում է, որ նոր նախիջևանում XIX դարի սկզբներին եղել են ավելի քան 40 տեսակի արհեստներ: Զարգացած անասնապահությունը լայն հնարավորություններ էր տալիս հատկապես կաշեգործության (սափյանի արտադրության, կոշկակարության, մուճակագործության, մուշտակագործության, բամբակագործության և այլն) ծավալման համար: 'Իրա հետ մեկտեղ հայերը լայնորեն զբաղվում էին նաև արհեստի հայկական ավանդական ձևերով՝ ոսկերչությամբ, արծաթագործությամբ, ասեղնագործությամբ և այլն:

Աշխատության մեջ մեծ տեղ է հատկացված հայերի առևտրական գործունեության վերլուծությանը: Հեղինակը այս հարցի կապակցությամբ իրավացիորեն գտնում է, որ «առևտրի ծավալման խնդրում զրիմահայերի ձգտումը լիովին համընկնում էր նույնորոտիայում պետության վարած քաղաքականությանը» (էջ 258): Իսկ այդ քաղաքականության նպատակը, ինչպես մատնանշում է նա, նոր երկրամասի տնտեսական կյանքը առևտրի և այլ միջոցներով աշխուժացնելն էր, որը «գտավետ էր նաև հայերին: Եվ պետությունը ամեն կերպ նպաստում ու խթանում էր առևտրի ծավալմանը: Վ. Բարխուդարյանը ցույց է տալիս, որ այդ նպաստավոր պայմաններից ոգտվելով, հայերը շատ կարճ ժամանակամիջոցում իրոք որ ծաղկման են հասցնում առևտուրը: «Ռոստովի տոնավաճառներին հիմնական ապրանք մատակարարողները և նրանց աշխուժություն տվողները գերազանցապես՝ իսախեևանի հայ վաճառականներն էին», — նշում է նա (էջ 262): Հայերի առևտրի հիմնական ապրանքներն էին ցորենը և կտավատը, օդին և մասամբ գինին, ձուկը, անասունները, յուղը և ճարպը, կաշին և զանազան մորթիները, անտրացիտը, ծխախոտը, կտորեղենը, արդուզարդի առարկաները, նպարեղենը և այլն:

Զափազանց ուշագրավ են աշխատության այն էջերը, որտեղ քննարկվում է հայ-ռուսական հարաբերություններում նոր նախիջևանի խաղացած դերը: Ընդհանուր առմամբ բնորոշելով ռուսահայ գաղթօջախների այդ դերը, Վ. Բարխուդարյանը գրում է. «Նրանք (ռուսահայ գաղթօջախները — Մ. Հ.) հայ համայնքի համեստ շրջանակներում լծորդել են երկու ժողովուրդների՝ հայ և ռուս ժողովուրդների փոխհարաբերություններն ու կապերը, աշխուժորեն արձագանքել ու մասնակցել են ռուսական հասարակական կյանքի բոլոր գլխավոր իրադարձություններին: Մյուս կողմից, ռուսահայ զանգվածները կտրված ու անտարբեր չեն եղել իրենց ժողովրդի բախտի, նրա պատմական ճակատագրի հանդեպ: Այլ խոսքով, հայկական զանգվածները դրսևորել են ռուսական տիրապետության ներքո ապրելու ու նրա: մասնիկը կազմելու, սակայն միաժամանակ հայկական գաղթօջախ լինելու իրենց ուրույն վիճակը» (էջ 311): Ապա կոնկրետ պատմական օրինակներով նա մասնավորեցնում է իր խոսքը նոր նախիջևանի գաղթօջախի վրա: Այդ օրինակներից մենք իմանում ենք, որ նորնախիջևանցիները մեծ գործունեություն են ծավալել 1812 թ. հայրենական և 1853—1856 թթ. Ղրիմի պատերազմների ժամանակ ռուսական զորքին պարենամթերքով, հագուստով, դրամով և այլ անհրաժեշտ միջոցներով օգնելու, ռազմական գործողություններին մասնակցելու համար: Նոր նախիջևանի այդ հայրենասիրական գործունեությունը բազմիցս նշվել է ռուսական արքունիքի պաշտոնական փաստաթղթերում և անգամ կայսեր հատուկ շնորհակալագրում:

Գաղթօջախի բնակչությունը հատկապես ջերմորեն ընդունեց պարսկական տիրապետությունից Արևելյան Հայաստանի ազատագրման լուրը: Աշխատության հեղինակը այս առթիվ վկայակոչում է նոր նախիջևանի քաղաքապետիս հաշատուր խոմաճովի 1827 թ. դեկտեմբերի 6-ի ուղերձը, որով նա 'Իոնի հայ հասարակության անունից դիմելով Ներսես Աշտուրակեցուն, ի միջի այլոց, գրում էր. «...և սիրտեռանդն զոհութեամբ ըղձակաթ համբույր մաշուցել ի հեռուստ աստի... լերանցն Արարատայ դորս փրկեցեալ ի ներքուստ ձեռաց բարբարոսաց» (էջ 328):

Մի շարք այլ փաստերի միջոցով զրքի հեղինակը բացահայտում է նոր նախիջևանի կապերը մյուս գաղթօջախներում (Մուղավիա և Բեսարաբիա, Պետերբուրգ, Մոսկվա, Ակկերման, Կոստանդնուպոլիս, Հնդկաստան և այլն) բնակվող հայրենակիցների հետ:

Նոր նախիջևանի հայկական գաղթօջախի զարգացումը ընթացել է ոչ առանց ներքին հակասությունների, հակամարտ խավերի միջև սուր պայքարի: Զեռքի տակ ունենալով հարուստ փաստեր, Վ. Բարխուդարյանը կարողացել է ցույց տալ, որ նման հակասություններ ոչ միայն եղել են, այլև շատ հաճախ դրանք շափազանց սուր բախումների պատճառ են հանդիսացել:

Հատկապես ուժեղ է եղել հողային հարցի շուրջ մղված պայքարը: Հողային հարցը գաղթօջախի բնակչության համար կենսական մեծ նշանակություն ունեցող հարց էր: 1830-ական թթ. սկզբին քաղաքի վերնախավը, շրավարարվելով համայնական հողերից 5100 դեսյատին հող յուրացնելուց, աշխատում էր մերձակա հայ գյուղերին պատկանող հողերի մի մասն էլ իր ձեռքը

զցել: Այս պայքարը փոփոխական հաջողությամբ տեղի ունեցավ և վերջացավ դյուղացիների հաղթանակով:

Դադութի ներսում սուր պայքար էր ղեկավարում նաև այլ առիթներով: Բուրժուա-կալվածատիրական վերնախավը օգտվելով իր տնտեսական և պաշտոնական ուժեղ դիրքից, շատ հաճախ դիմում էր շարաշահումների, կեղծիքների, օրինազանցության և ամեն տեսակ խարդախությունների՝ փորձելով այդ կեղտոտ միջոցներով սեփականացնել համայնքի ունեցվածքը: Այդ տեսակետից հատկապես աչքի էր ընկնում երկար տարիներ քաղաքապետի պաշտոնը զբաղեցրած մեծահարուստ Արտեմ Խալիբյանը: Հեղինակը մանրամասն նկարագրել է համայնքի և Խալիբյանի ու նրա կողմնակիցների միջև մղված պայքարը:

Խոսելով զաղուխում եղած ներհակությունների մասին, Վ. Բարխուդարյանը արժեքավոր դիտողություններ է անում Աբրամով—Արդուխյան կամ Դերիջանյան—Արդուխյան հայտնի խնդրի ասիթով:

Թեև այս խնդիրը հայ պատմագրության մեջ բազմիցս շոշափվել է, բայց մինչև այժմ էլ բոլորակալ տարակարծություններ կային նրա շուրջը: Այդ խնդիրը կայանում է հետևյալում. 1797 թ. հունիսին նորնախիջևանցի Մանուկ Դերիջանյանը Պետերբուրգ մեկնելով, կայսրին է հանձնում արքեպիսկոպոս Հ. Արդուխյանի թույլ տված ապօրինությունների մասին բողոքագիր: Արքեպիսկոպոսը մեղադրվում էր հայ եկեղեցուն պատկանող ունեցվածքը հափշտակելու, քաղաքների կառավարման կարգը կամայականորեն փոխելու, հասարակությունից ստացած 11 հազ. ռուբլի յուրացնելու, իշխան Պոտյոմկինի միջոցով իր ուղած մարդկանց պաշտոններ տալու և, վերջապես, անձամբ իրեն՝ Դերիջանյանին հուլածելու և իր նկատմամբ տնտեսական ձեռնարկներ անելու մեջ:

Դեռ իր ժամանակ և. Շահադիզը նկարագրել է այս խնդրի շուրջ ծավալված պայքարը և տվել իր ղեկավարականը: 1928 թ. հենվելով սոսկ և. Շահադիզի նկարագրության վրա, ակադեմիկոս Ա. Կարինյանը միանգամայն այլ ձևով է ղեկավարում այդ խնդիրը և նույնիսկ հանդիմանում է Շահադիզին «աղանձի» դեմ պայքարողներին «խառնակիչներ» անվանելու և անցյալի պատմական իրադարձությունները դրանով իսկ աղավաղված ձևով ներկայացնելու համար:

Վերջին տարիներին այդ խնդրին անդրադառնում է նաև գրականագետ Ս. Գ. Արեշյանը, որը ավելի հեռուն է գնում: Շեշտը դնելով խնդրի միայն դասակարգային կողմի վրա, վերջինս փորձում է այն կապել ժամանակի դեմոկրատական շարժման հետ և այդ շարժմանն էլ լայն թափ է հաղորդում... մեր օրերից: Դրանից հետո Արեշյանը գրում է. «Ըստ երևույթին ամենեին պատահական չէ, որ Դերիջանյանի և Աբրամովի պայքարը ժամանակի տեսակետից համընկնում էր այն պայքարի հետ, որ մղում էին Ռադիշչևը և իր կողմնակիցները»:

Վ. Բարխուդարյանը մեկ առ մեկ քննելով այս տարբեր տեսակետները և հենվելով արխիվային փաստերի սեփական հետազոտության վրա, հզորակացնում է, որ «Աբրամովն ու Դերիջանյանը իշխող դիրք ձեռք բերելու և նյութական միջոցների տեղի դառնալու համար բանսարկության և դարտուղի այլ ճանապարհներով դորձող նեղմիտ անձնավորություններ էին: Նրանք ոչ միայն դեմոկրատական շարժման ղեկավարներ չէին (որպիսի շարժում գոյություն չուներ), այլև որևէ կապ ու դասակարգային ազդեցություն չուներին և բնավ չէին արտահայտում աշխատավորներին շահերն ու ձգտումները: Նրանց՝ հայ հասարակական-քաղաքական կյանքում խոշոր հետք թողած Միքայել Նալբանդյանի նախորդներ դիտել, կամ Դաբրիել Պատկանյանին Իրանց գործի անմիջական շարունակող համարել, կնշանակեր սխալ պատկերացում ունենալ նոր Նախիջևանի XVIII դարի վերջերի տնտեսական կյանքի զարգացման աստիճանի և սոցիալ-դասակարգային փոխհարաբերությունների մասին» (էջ 372): Մնում է միայն համաձայնել այս խնդրի վերաբերյալ Վ. Բարխուդարյանի դիտողություններին և եզրակացությանը, որոնք չափազանց հիմնավոր են և համոզիչ:

Աշխատության վերջին, ութերորդ գլխում հեղինակը քննարկում է զաղուխի մշակութային հարցերը, մասնավորապես կանգ առնելով դպրոցական և տպագրական գործի կազմակերպման, ինչպես նաև ուսուսական կենտրոնների հետ նոր Նախիջևանի ունեցած մշակութային կապերի վրա:

Ավարտում են գրքի ընթերցումը և զգում, որ քո առջև լայնորեն բացվեց անցյալի մշտնջեն վարագույրը, երևաց մի փոքրիկ հայ աշխարհ, ուր սրանից 100—150 տարի առաջ էլ հորդացել է կյանքը, աշխույժ ուժով խփել զաղթօջախի զարկերակը, ուր մարդիկ աշխատել են ժրջան ու ընդլվզել, թախծել ու երազել...

Հիշավի լավ գործ է կատարել Վ. Բարխուդարյանը: Արտահայտվելով գիտական լեզվով, պետք է նշել, որ գրախոսվող աշխատությունը, իրոք, մի լավագույն ավանդ է հայ պատմագրության մեջ ընդհանրապես և զաղուխահայության պատմության մասին հրապարակում եղած գրա-

կանություն մեջ մասնավորապես: Այս դիրքը ոչ միայն հարստացնում է ընթերցողի գիտելիքները և պատկերացումները նոր նախիջևանի հայկական գաղթավայրի պատմության մի պատկառելի ժամանակահատվածի մասին, այլև իր շատ կողմերով կարող է օրինակ ծառայել դադութահայության պատմությունը ուսումնասիրելիս և լուսարանելիս:

Հեղինակին կարելի է միայն կշտամբել այն բանի համար, որ իր գիտելիքներն ու հմտությունը առատորեն շռայլելով յոթ զլուխների վրա, նույն ձևով չի վարվել նաև վերջին, ութերորդ զլխի հետ: Ընդհանուր, ինչպես կարելի է մշակույթը սահմանափակել մի քանի դպրոցով ու տպարանով և նույնքան էլ մտավորականներով: Էլ ո՞ւր մնացին ճարտարապետությունն ու գիր-գրականությունը, երաժշտությունն ու նկարչությունը, ժողովրդի կենցաղն ու սովորությունները և հար ու նման բաներ, որոնցով այբան հարուստ էր նոր նախիջևանի գաղթօջախը: Եթե հեղինակը այդ բոլորը համեստորեն թողել է Փորձեյանին², ապա մոռացել է, որ ինքը պատմաբան է, իսկ Փորձեյանը տվյալ դեպքում՝ միայն ազգագրագետ:

Եվ, վերջապես, կշտամբանքի մի քանի խոսք էլ պետք է ուղղել սրբագրչին և մասամբ էլ երկու խմբագիրներին: Դիրքը, որ գրված է ճոխ հայերենով, հետաքրքիր ոճով և կուռ նախադասություններով, պետք է, որ անպայման զերծ լիներ լեզվական թերություններից, որոնք թեև այնքան էլ շատ չեն, բայց ինչ-որ տպավորություն, այնուամենայնիվ, թողնում են (կետադրական նշաններ, անձնանունների և տեղանունների ուղղագրություն և այլն): Այն խոշոր և մեծարժեք աշխատանքում, որ կատարել է Վ. Բարխուդարյանը, նշված թերություններն, իհարկե, չնչին մանրուք են, բայց լավ կլիներ, որ այդ մանրուքն էլ չլիներ:

Կարծում եմ, որ այս աշխատությունը պետք է հեղինակին պարտավորեցնի մինչև վերջը հասցնել այն գործը, որի լավ սկիզբը արդեն դրվել է. պետք է ստեղծել նոր նախիջևանի գաղթօջախի լիակատար պատմությունը:

Մ. ՀՈՎՀԱՆՆԻՍՅԱՆ

2 Կ. Փորձեյան, նոր նախիջևանի հայ ժողովրդական բանահյուսությունը, Երևան, 1965.